



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE E MITROVICËS
OSNOVNI SUD MITROVICA – BASIC COURT OF MITROVICA

NË EMËR TË POPULLIT

P. nr.752/2018

GJYKATA THEMELORE NË MITROVICË-Departamenti i Përgjithshëm- Gjyqtari i vetëm gjykues Gëzim Ademi, me procesmbajtësen Hasnije Muhaxheri, në çështjen penale kundër të pandehurit: R.M. me vendbanim ne fsh. ..., Komuna e ..., për shkak te veprës penale: Sulmi ndaj personit zyrtar gjate kryerjes se detyrës zyrtare nga neni 410 par.1 të KPRK-ës, sipas Aktakuzës se Prokurorisë Themelore ne Mitrovice PP-II.nr.2378/2018 te datës 19.09.2018, ne mungese te PTH. Sahit Tmava, ne prezencë te te pandehurit me datën 21.01.2019 ka shpallur publikisht, ndërsa me 25.01.2019 ka përpiluar këtë:

A K T G J Y K I M

I pandehuri: R.M., nga i ati .., e ëma ..., e vajzërisë ..., i lindur me ..., me vendbanim ne fsh. ..., Komuna e ..., me nr. Personal ..., i pa pune, ka te kryer shkollën fillore, i pa martuar, i gjendjes se dobët ekonomike, shqiptar , shtetas i Republikës se Kosovës.

ËSHTË FAJTOR

SEPSE: Me 23.06.2018 rreth orës 07:30 ne rrugën “...” ne ..., ka sulmuar personin zyrtar i cili ka qene ne kryerje te detyrës zyrtare dhe atë inspektorin e tregut pranë Kuvendit Komunal ne Mitrovice - te dëmtuarin A.S., ashtu qe derisa i dëmtuari se bashku me koleget e tij A.H. dhe M.H. ne cilësinë e personave zyrtar kane kërkuar nga i pandehuri R. i cili ishte shitës ambulant, qe ta largoj mallin nga trotuari, te cilin mall e kishte te ekspozuar ne rruge dhe pengonte rrjedhën e lire te komunikacionit dhe te këmbësoreve, i pandehuri kishte refuzuar duke share me fjalët “ja q... nanën te treve” dhe pastaj për një moment i është ofruar te dëmtuarit A. duke e kapur me dy duart për gjoksi, duke e shtrënguar dhe duke e ofenduar, ku kane ndërhyrë dëshmitaret A. dhe M. dhe kane qetësuar situatën.

Me këtë ka kryer veprën penale- **Sulmi ndaj personit zyrtar gjate kryerjes se detyrës zyrtare nga neni 410 par.1 te KPRK-se.**

Andaj gjykata ne mbështetje te nenit 7,8,9,10,21,49,51,52,73, dhe 410 par 1 te KPRK-ës dhe nenit 365, 450,463 te KPP-ës e:

G J Y K O N

ME DENIM BURGU NE KOHEZGJATJEJE PREJ 1 (një) viti, i cili dënim nuk do te ekzekutohet nëse i pandehuri nuk kryen vepër penale ne kohëzgjatjeje prej 2 (dy) vite.

OBLIGOHET i pandehuri qe ne emër te shpenzimeve procedurale-paushallit gjyqësor te paguaj shumen prej 20 Euro, ndërsa ne emër te fondit për kompensimin e viktimave te krimin shumen prej 30 euro, te gjitha këto është i obliguar qe ti paguaj ne afatin prej 15 ditësh pas plotfuqishmërisë se këtij aktgjykimi.

Te dëmtuarit për realizimin e kërkesës pasurore juridike-kompensimin e demit udhëzohet ne kontest te rregullt civil

A r s y e t i m

I. Aktakuza

Prokuroria Themelore ne Mitrovice ka ngritur aktakuze PP-II.nr.2378/2018 te datës 19.09.2018 kundër te pandehurit R.M., për shkak te veprës penale: Sulmi ndaj personit zyrtar gjate kryerjes se detyrës zyrtare nga neni 410 par.1 KPRK.

Gjykata ka caktuar shqyrtimin fillestar me dt. 21.01.2019 ashtu qe ne këtë seance i pandehuri lidhur me fajësinë ka deklaruar: e pranoj fajësinë, me vjen keq për rastin qe ka ndodhur, dhe i njëjti i premtion gjykatës se nuk do te përsëris më vepra te tilla apo vepër tjetër penale, këtë e bëjë me vullnet dhe pa presionin e askujt.

Lidhur me pranimin e fajësisë prokurori i ka propozuar gjykatës që të pranohet fajësia e te pandehurit nga se pranimi i fajësisë është i mbështetur ne provat te cilat mbështetësin rrethanat faktike te çështjes se aktakuzës, dhe se i njëjti është ber me vullnet.

II. Vlerësimi i pranimit te fajësisë.

Gjykata duke vlerësuar pranimin e fajësisë nga ana e te pandehurit ka gjetur se pranimi i fajësisë ishte ne përputhje me neni 248 pasi qe i pandehuri kupton natyrën dhe pasojat e fajësisë, se pranimin e fajësisë i pandehuri e bene ne mënyrë vullnetare, pas sqarimeve te mjaftueshme nga ana e gjykatës, se aktakuza nuk përmban shkelje te qarte ligjore apo gabime faktike qe do te bënin te pamundur qe gjykata te beje vlerësimin e pranimit te fajësisë, se pranimi i fajësisë nga i pandehuri është i mbështetur ne faktet e çështjes qe përmban akuza, te gjitha këto për gjykatën përveç se vërtetojnë faktet e çështjes se akuzës njëkohësisht janë ne përputhje me pranimin e fajësisë nga i pandehuri, prandaj edhe gjykata e ka pranuar fajësinë nga ana e te pandehurit, këto rrethana vërtetohen nga provat qe gjenden ne shkresat e lendes si: Raporti policor 2018-BI-63 dt. 23.06.2018, Deklarata e te dëmtuarit dt.23.06.2018, Deklarata e dëshmitarit dt. 23.06.2018, Dosja kriminale ne emër te pandehurit. Nga te gjitha këto si dhe nga pranimi i fajësisë nga ana e te pandehurit vërtetohet se i pandehuri e ka kryer veprën penale: **Sulmi ndaj personit zyrtar gjate kryerjes se detyrës zyrtare nga neni 410 par.1 të KPRK-ës.**

III. Vlerësimi lidhur me llojin dhe lartësinë e dënimit.

Lidhur me llojin dhe lartësinë e dënimit gjykata ka pasur parasysh se kjo vepër penale është e dënueshme me dënim me burgim prej tre (3) muaj deri ne tre (3) vjet, andaj duke vlerësuar rrethanat lehtësuese dhe rënduese, kjo gjykate si rrethana rënduese ka gjetur shkallen e përgjegjësisë penale rrethanat ne te cilat ishte kryer vepra penale.

Si rrethane lehtësuese gjykata ka gjetur rrethanat personale te kryerësit dhe sjelljen e tij pas kryerjes se veprës penale, gjykata ka vlerësuar si rrethanë lehtësuese pranimin e fajësisë e qe

nga deklarimi i tij me rastin e pranimit të fajësisë rezultoi se i njëjti deklaroi se e ndien veten fajtor ky deklarim i tillë i të pandehurit për gjykatën shpreh një pendim të thellë të tij për veprën penale.

Nga të gjitha këto gjykata duke vlerësuar të gjitha këto rrethana ka gjetur se edhe me një dënim të tillë do të arrihet qëllimi i dënimit ndaj të pandehurit pasi që për gjykatën në rrethana të tilla mjafton se tërheqja e vërejtjes me kërcënimin e dënimeve, do të ndalojë kryerësin që të mos kryej vepra penale në të ardhmen e që ky është edhe qëllimi i dënimit me kusht. Nga të gjitha këto rrethana kjo gjykatë vlerëson se edhe me një dënim të tillë do të arrihet qëllimi i dënimit ndaj të pandehurit.

IV. Lidhur me shpenzimet e procedurës penale.

Lidhur me shpenzimet procedurale-paushallit gjyqësor të paguaj shumen prej 20 Euro, ndërsa në emër të fondit për kompensimin e viktimave të krimit shumen prej 30 euro, të gjitha këto është i obliguar që të paguaj në afatin prej 15 ditësh pas plotfuqishmërisë së këtij aktgjykimi

V. Lidhur me kërkesën pasurore juridike.

Për sa i përket kërkesës pasurore-juridike gjykata të dëmtuarit i ka udhëzuar në konteste të rregullt civil.

Andaj gjykata duke u bazuar me neni 248, 365, 450, të KPPK-ës nga arsyeje të lartcekura ka vendosur si në dispozitiv të këtij aktgjykimi.

GJYKATA THEMELORE NË MITROVICË
Departamenti i Përgjithshëm
P. nr.752/2018 dt.25.01.2019

Procesmbajtësja :
Hasnije Muhaxheri

Gjyqtari i vetëm gjykues
Gëzim Ademi

Këshillë juridike: Kundër këtij aktgjykimi palët kanë të drejtë në ankese në afat prej 15 ditëve në gjykatën e Apelit në Prishtinë, nëpërmes kësaj gjykate.